

Шамаева Федосия Семеновна

20.07.1917с.

Федосия Семеновна Шамаева ииппит аҕата Прокопьев Семен Николаевич, Прокопьева Евдокия Васильевна. Прокопьевтарга үс уол оҕо төрөөн баран өлбүттэр. Оҕо турбатын иһин ииппит уоллара уһулуччу үөрэбэр үчүгэй оҕо ис тиибигэр эмиэ өлбүт. Ол иһин Евдокия Васильевна эдьийиттэн Мария Васильевнаттан, элбэх оҕолоох Павловтартан, күтүөппүттэн Дьөгүүртэн көрдөһөн ийэбитин ииттибиттэр. Ийэбит Егор Семенович Прокопьев диэн бииргэ иитилибит бырааттаах этэ. Ийэбит олох эдэригэр, кэргэн тахса илигинэ закуп сүөһүтүн Якутскайга үүрсэ, кырдыаҥас дьону кытта барса сылдыбыт. Оччолорго Якутскай куоракка анал тыа хаһаайыстыбатын баһаарыгар, тэрилтэбэ туттараллар эбит, дохуот ылаары. 24 сааһын туолуутугар Шамаев Егор Алексеевич диэн бэйэтиттэн икки сыл балыс Шамаев Алексей Михайлович (Өлөксөөс), Шамаева Прокопьева Евдокия Васильевна 10 оҕолоох ыаллар төрдүс оҕолоро, улахан уолларыгар кэргэн тахсар уонна Тамалакаанна олороллор. Үрдүк өтөххө дьэ тутталлар. Евдокия Васильевна элбэх сүөһүлээх буолан, иккиэн онно үлэлииллэр уонна Бэтиликкэбэ эмиэ араас үлэбэ үлэлииллэр. Аҕа дойду сэриитэ буолбутугар улахан хомуурга кэргэнэ 1942 сыллаахха ынырыллан барар. 1942 сыллаахха кэргэнин кэнниттэн сайын борохуотунан Сангаар таас чоҕун хостоһунугар бэбиэскэлээн ытталлар. Онно дьахталлар, эр дьоннор бараактарга олорон, америка куулунан ыстааннаах, курткалаах, бэргэлээх, мас колуоккаба куулу тигэннэр, ортотунан курданан, саллааттар курдук сыынкабыай куруускалары курдарыгар иилинэ сылдыаллар эбит. Күүстээх үлэбэ утаган, Лена өрүстэн уу сомсон иһэр эбиттэр. Дьахталларга кинини биригэдииринэн анаабыттар. Сарсыардаттан киэһэ үлэлээн бүтүөхтэригэр диэри байыаннай саллааттар конбуойдарынан үлэлиир эбиттэр. Таас чоҕу тачканан таһар эбиттэр. Ыалдьан ыарахан үлэни тулуйбакка өлөөччүлэр да бааллар эбит, комиссия быһаарытынан дьэлиэригэр борохуокка олорон төннөллөр эбит. Илиилэрэ, эттэрэ хап-хара буолан, силлээтэхтэринэ хара силинэн силлиир эбиттэр. Үлэ кэнниттэн нэдиэлэбэ биирдэ баанньыкка конбуойунан баран суунар эбиттэр. Бэстилиэттээх байыаннайдар симиэнэ ахсын ааҕан үлэлиир дьону туттарарсар эбиттэр.

Сангартан кэлэн баран Өргүөккэ, Бэтиликкэбэ араас үлэбэ сылдыар. Кэргэнэ Егор Алексеевич ыалдьан төннөн кэлбитигэр, дьэ туспа Тамалакаанна дьэ туттан олороллор. Ворошилов колхозка 1951с холбоһоллор. Оччотооҕу кэмнэ салалта ханна соруйар да, онно этиитиэ суох үлэлииллэр эбит. Үрэх Баһыгар, Тамалакаанна бийиги кыра эрдэхпитинэ, мин начальнай кылааска үөрэнэрдэр субай сүөһү көрөллөрө. Сайынын от оттуулара. Тамалакаантан эһэм Өлөксөөс оҕонньор сайылык ампаар дьэитин көһөрөн дэриэбинэбэ киллэрэн, билинни олорор уһайбабытыгар туттубуттар эбит. Мин үһүс кылааска үөрэнэрдэр ол ампаар дьээбитигэр көмүлүөк оһох онугар нуучча оһоҕун кирпиччэнэн Николаев Николай Тимофеевич 1 туппута. Бийиги түөрт бииргэ төрөөбүппүт. Онон дэриэбинэбэ саамай бүтэһик нуучча оһохтоммуппут, тоҕо диэтэххэ бырааттарым кыралар, кыһынын дьонум субай сүөһүнү Тамалакаанна, Үрэх Баһыгар көрөллөрө. Дьээбитигэр дьэитэ суох аймахтарын, табаарыстарын олордоллоро, сороҕор биһиэхэ дьукаахтаһан олорооччулар. Ийэм Ходуһалаахха (Ойуун күөлүгэр) фермаба ыанньыксытты сылдьан, тымныйан Бүлүү куоракка 6 ый эмтэммитэ. Ити бириэмэбэ мин Хампаба 5 кылааска интернатка олорон үөрэммитим.

1967с кулун тутар 1 күнүгэр «Орто-Бүлүү» сопхуос тэриллэр. Тааһаҕар отделениета оччолорго баанньыгы үчүгэйдик тэрийэн үлэлэтэллэрэ. Ийэм баанньыкка үлэлээбитэ.

1971с. маслоцех туталлар, онно мясомолпромна рабочайынан киирэр. Олохтоох маслоцехха Константинов Рево Ионович маастар.

1971 с кыһынны өттүгэр 8 кылаастаах оскуолага котельнайга рабочайдыыр, кочегарынан кэргэнин кытта үлэлиир.

1972 с пенсияға тахсыар диэри мясомолпромга, маслоцехха рабочайынан үлэлиир.

Олох сайдыытын хаамыытынан олох кырдыбытын да иһин биһигини сүөһү үлэтигэр үөрэтэн бастаан «Хардыы» б/х кыыһыгар ыанньыксытынан үлэлиир 1994-1997 сс диэри. Онтон кыра уолугар Шамаев Николай Егоровичка 1997-2001с диэри «Хаптарҕа» б/х ыанньыксытынан үлэлээн сылгы, ынах көрүүтүгэр биһигини кытта бииргэ үлэлэһэ сылдьан сүбэһит, үлэ араас мындырдарыгар үөрөппитэ.

Төрөппүт оҕолоро, сиэннэрэ үөрэхтэнэллэригэр улахан сүдү оруоллаах. Кини көстөр дьүһүнүн курдук ыраас тутуулаах, иистээх, минньигэс астаах ыал маанылаах ийэтэ эбэтэ этэ. Ийэм трудовой фронт кыттыылааҕа, элбэх мэтээллэрдээх, Николаев Михаил Ефимовичтан, Штыров Вячеслав Анатольевичтан СР президеннэриттэн элбэх эбүрдэ суруктар, почетнай грамоталар бааллар. 2005 сыллаахха ыалдьан өлбүтэ.

Ахтыыны суруйда төрөппүт кыыһа Григорьева Маргарита Егоровна, 30.04.15с. Тааһаҕар бөһүөлэгэ